

# **Фуқаролар ва юридик шахсларнинг Конституциявий судга мурожаат қилиш ТАРТИБИ**

**1.** Фуқаролар ва юридик шахслар агар суд орқали ҳимоя қилишнинг барча воситаларидан фойдаланиб бўлинган бўлса, судда кўриб чиқилиши тугалланган муайян ишда суд томонидан ўзига нисбатан қўлланилган қонуннинг Конституцияга мувофиқлигини текшириш тўғрисидаги шикоят билан Конституциявий судга мурожаат қилишга ҳақли.

**!!! Фуқаролар ва юридик шахслар Ўзбекистон Республикаси Конституцияси ва қонун нормасига шарҳ беришни сўраб Конституциявий судга мурожаат қилиш хуқуқига эга эмас. Улар Конституциявий судга Конституция ва қонун нормасига расмий шарҳ беришни сўраб, фақат Конституциявий қонуннинг 27-моддасида белгиланган субъектлар орқали масала киритишлари мумкин.**

**2. Фуқаролар ва юридик шахсларнинг Конституциявий судга мурожаат қилиш шартлари:**

– мурожаат қилувчиларнинг фикрига қўра, муайян фуқаролик, жиноят, иқтисодий, маъмурий ёки маъмурий хукуқбузарлик тўғрисидаги ишда суд томонидан қўлланилган Ўзбекистон Республикасининг Конституциясига мувофиқ бўлмаган қонун ёки қонуннинг аниқ нормаси билан уларнинг конституциявий хуқуқ ва эркинликлиги бузилган бўлиши лозим. Яъни, конституциявийлиги текширилиши сўраклаётган қонуннинг баҳсли нормаси муайян ишда судлар томонидан мурожаатчига нисбатан қўлланилган бўлиши ҳамда Конституцияга зид қонун нормасининг қўлланилиши туфайли мурожаат қилувчининг Конституцияда белгиланган аниқ хуқуқ ва эркинликлари бузилганлиги билан бевосита боғлиқ бўлиши шарт;

– ишни судда кўриб чиқиш тугалланган ва суд ҳимоясининг барча шаклларидан фойдаланган бўлиши талаб этилади;

– ишни судда кўриб чиқиш тугаган кундан эътиборан бир йилдан кечиктирмай шикоят берилиши лозим. Яъни, бир йиллик муддат – мурожаат қилувчи томонидан қонуннинг баҳсли нормаси унга нисбатан тегишли инстанция суди томонидан қўлланилиб, иш кўриб чиқилган (охирги суд хужжати қабул қилинган) кундан ҳисобланади.

**3. Фуқаролар ва юридик шахсларнинг муайян ишда унга нисбатан қўлланилган қонуннинг Конституцияга мувофиқлигини текшириш тўғрисидаги шикоятга қўйиладиган талаблар:**

– Конституциявий судга мурожаат “Ўзбекистон Республикаси Конституциявий суди тўғрисида”ги Конституциявий қонунининг 29 ва 30-моддаларида белгиланган талабларга жавоб бериши лозим;

– текширилиши лозим бўлган қонуннинг номи, рақами, қабул қилинган санаси, эълон қилинган манба кўрсатилиши керак. *Масалан, Ўзбекистон Республикасининг 2021 йил 2 авгуустда қабул қилинган “Ўзбекистон Республикасининг айrim қонун ҳужжатларига аҳолининг санитария-эпидемиологик осоийшталигини таъминлашга қаратилган ўзгартишилар ва қўшимча киритиши тўғрисида”ги ЎРҚ-705-сонли Қонуни, Ўзбекистон Республикаси Олий Мажлиси палаталарининг Ахборотномаси, 2021 йил, № 8, 797-модда; LexUz – миллий базасидаги манзили <https://lex.uz/docs/5545463>);*

– қонун билан Конституция нормаларининг бузилганлиги ҳақидаги важлар ва далиллар кўрсатилиши лозим. Яъни, қонун ёки унинг аниқ нормаси Конституциянинг қайси нормасига зидлиги (айнан номувофиқлиги ёки мазмунан тўғри келмаслиги) кўрсатилади;

– мурожаатни Конституциявий судда қўриб чиқишининг ҳукуқий асослари кўрсатилиши лозим. Яъни, Ўзбекистон Республикаси Конституцияси ва “Ўзбекистон Республикаси Конституциявий суди тўғрисида”ги Конституциявий қонуннинг тегишли нормаларига ҳавола қилган ҳолда ҳукуқий асослар келтирилиши лозим;

– мурожаатда қўйилган масала юзасидан мурожаат қилувчининг фикри ва нуқтаи назари асослантирилган бўлиши талаб этилади;

– мурожаатда қўйилган масала Конституциянинг тегишли нормаларига ҳавола қилган ҳолда ҳукуқий асослантирилиши шарт;

– мурожаат қилувчи фуқаро (фамилияси, исми, отасининг исми) ва юридик шахснинг номи, жойлашган ери, телефони, почта манзили ёки яшаш жойи қўрсатилади. *Масалан, Тоштемиров Абдулла Абдуғаффорович, 1965 йил 30 апрелда туғилган, 701155, Тошкент вилояти, Оҳангарон тумани, Шарқ Юлдузи МФЙ, Янгиобод кўчаси, 79-йда яшовчи, (+998916517984); abdulla@uMail.uz;*

– агар фуқаро ёки юридик шахс вакил орқали мурожаат қилса, унда вакилнинг ваколатини тасдиқловчи ишончнома ёки бошқа хужжат, шунингдек мазкур шахснинг Конституциявий судда вакил сифатида иштирок этиш ҳукуқини тасдиқловчи хужжатлар тақдим қилиниши лозим;

– вакил ва унинг ваколатлари тўғрисидаги зарур маълумотлар, электрон почта манзили, ёзишмаларни жўнатиш юридик шахснинг номи ва манзили (жойлашган жойи, телефон, факс, электрон почта манзили) кўрсатилади;

– мурожаатчининг шикоятида иш судда қўриб чиқилганлигини ва судда ҳимоя қилишининг барча бошқа воситаларидан фойдаланганлигини тасдиқловчи маълумотлар тақдим қилиниши керак. Яъни, биринчи инстанция, апелляция ва кассация инстанциялари томонидан, шу жумладан иш кассация тартибида такроран кўрилиб қабул қилинган суд хужжатлари тақдим этилади;

– илова қилинаётган хужжатларнинг кетма-кетлик тартибида кўрсатилган ҳолдаги рўйхати тақдим қилиниши лозим.

**!!! Умумий юрисдикция судлари қабул килган хужжатларни қонунийлиги ва асослантирилганлигини текшириш, уларни ўзгартириш ёки бекор қилиш, судлар томонидан моддий ва процессуал ҳуқуқ нормаларининг бузилганлиги ёки нотўғри қўлланилганлигига баҳо бериш тўғрисидаги мурожаатларни кўриб чиқиш Конституциявий суднинг ваколатига кирмайди.**

**4.** Конституциявий судга мурожаат ёзма ёки электрон шаклда юборилади.

Ёзма мурожаатлар почта алоқа воситаси орқали Конституциявий суднинг қуидаги юридик манзилига юборилади: Тошкент шаҳри, 100163, Ислом Каримов кўчаси, 43-йй, 1-корпус.

Электрон мурожаатда “Электрон хужжат айланиши тўғрисида”ти Конунга мувофиқ электрон хужжатнинг қуидаги мажбурий реквизитлари кўрсатилиши лозим:

- электрон рақамли имзо;
- электрон хужжатни жўнатувчи юридик шахснинг номи ёки электрон хужжатни жўнатувчи фуқаронинг фамилияси, исми, отасининг исми;
- электрон хужжатни жўнатувчининг почта ва электрон манзили;
- хужжат яратилган сана.

Электрон мурожаатлар қуидаги манзилга юборилади: [info@ksu.uz](mailto:info@ksu.uz).

**5.** Ўзбекистон Республикаси Конституциявий судининг телефон рақами: +99871 239-80-20.

Иш кунлари: душанба – жума.

Иш вақти: соат 9.00 – 18.00 (тушлик 13.00 – 14.00).